

INFOMEISEN PEPA 6

TRBR i stap blong helpem yu



Wanem nao Intanet?

Wanem nao Intanet? Webopedia i difaenem Intanet olsem "wan global netwok we i konektem milien kompiuta mo joenem moa long 100 kaontri mo i mekem se i gat eksjenj blong data, nius mo tingting."

Intanet Besik i diskraebem Intanet olsem "plante milien kompiuta raon long wol we oli joen tru long wan netwok blong telefon laen, kebol mo satelaet koneksi."

Pipol i aksesem netwok ia taem we oli yusum ol divaes blong ICT olsem telefon, kompiuta, i-fon, i-pad, mobael fon mo ol nara kaen divaes.

Oli yusum intanet long wanem?

Tede oli yusum Intanet plante blong komunikesen, pablishing, entetemen, netwok, risej, komes mo lanem samting onlaen.

Intanet olsem wan wei blong komunikesen.

Long saed blong komunikesen, pipol i komuniket tru long imel, webmel mo nara interaktiv komunikesen aplikesen olsem storian onlaen, skaep mo ol forum onlaen. Ol pablisha i pablishim tu ol materiol blong olgeta onlaen olsem e-buk, e-jurnal mo jenerol onlaen risos blong ol pipol we oli gat hobi, ol profesonal, ol pipol we oli mekem risej mo ol student.

Intanet i stap olsem wan mein sos blong entetemen.

Ol ICT i divelop kasem wan level we wan singel divaes we i aksesem intanet oli save yusum naoia blong kasem o watjem ol nius, ol spot mo folem wan hobi, watjem ol muvi, ol dokumentri mo ol nara multimedia materiol.

Oli yusum tu intanet long netwok. Mekem se oli yusum olsem wan tradisonol telefon daerektri (buk blong ol telefon namba) we oli printim, oli yusum intanet blong faenemaot ples, setemap mo mentenem ol kontakt wetem ol individuol, ol grup mo ol oganaesesen. Oli yusum tu long ol komes-ol aktiviti olsem advataesing, pem wan samting mo salem wan samting mo tu lanem wan samting onlaen.

INFOMEISEN PEPA 6

TRBR i stap blong helpem yu



From ol aktiviti we yumi aotlaenem ia, intanet tru long ol milien seva raon long wol i storem plante data, aplikesen, tul mo infomesen we i mekem se intanet i wok.

Ol impakt blong intanet.

Intanet i gat ol positiv mo negativ saed. I gat plante adventej mo disadventej mo from tingting bihen long pepa ia, bae yumi diskraebem sam nomo.

- 1.** Save komuniket long wan esensol, isi, kwik, rilaebol mo afodebol wei.
- 2.** Save aksesem isi nomo save, ol edukesenol kwalifikesen mo ol opotuniti blong wok eni ples long Vanuatu mo long ovasi.
- 3.** Isi komunikesen, big sirkulasen mo ol joes blong bisnis advet, fleksibiliti long wok we i help blong promotem bisnis, tred mo komes.
- 4.** Isi akses long wan kaen afodebol onlaen risos blong welfea, pesonol divelopmen, pesonol intres mo hobi.
- 5.** Impruv mo immidiet akses long infomesen mo nius blong promotem spot mo provaedem wan vaeriti entete-men opotuniti.
- 6.** Akses long ol guds mo sevis long intanet i mekem se i moa isi long ol pipol inkludim pipol wetem disabiliti blong mekem risej, aksesem ol risos mo gat oltaem kontakt wetem ol fren mo famili.
- 7.** Yus blong paoaful sej enjin i mekem se risej, putum tugeta ol infomesen mo lokesen blong data, risos mo pipol i moa isi mo kwik.

INFOMEISEN PEPA 6

TRBR i stap blong helpem yu



Long narasaed, intanet mo evri teknoloji we i kam impoten long laef blong ol pipol, oli gat ol negativ aspekt o disadventej inkludim:

- 1.** Ol haka(man we i aksesem kompiuta blong nara man be i nogat pemisen), ol kriminol mo triki individuol mo ol grup we oli hang araan long intanet from ol inosen viktima oli save spoilem praevet laef blong ol pipol.
- 2.** Ol kriminol i yusum waes kapasiti blong ol teknoloji blong mekem cyber-kraem olsem stilim aidentiti, kiamaan long man blong givim ol infomesen blong hem, hang araan long intanet, priperem wan man from wan patikula aktiviti etc.
- 3.** Hemia i plante infomesen we i mekem se i had long ol pipol blong mekem difrens bitwin ol stret mo kiamaan infomesen. I aveilebol tu ol materiol we oli kontenem ol rabis pitja olsem ol muvi, ol foto, ol raeting mo ol klip we ol pikinini mo ol inosen individuol i save aksesem isi nomo anles i gat inple ol filta mo mekanism.
- 4.** From se i isi blong ol kampani i advataes mo wei blong atraktem bisnis onlaen i gud tumas, ol toti bisnis i kirap hariap mo oli save kiamaan long ol viktima we oli no keaful.
- 5.** Melbox we i fulap wetem ol spam o plante komesol mesej we yumi no askem hemi wan problem we plante pipol we i yusum intanet i fesem. Ol spam i no mekem man i kros nomo be hemi denjeres sapos resipien i no awea long/o teknoloji we oli yusum, ol sekuriti aplikesen i no protektem gud.
- 6.** Ol vaeres i wan tret tu long ol yusa blong intanet. Ol haka i divelopem oltaem ol vaeres blong spoilem ol kompiuta mo waepemaot ol data mo ol nara valuebol risos. Wan awanes long tret ia mo sef yus blong intanet bae i help blong protektem ol kompiuta from ol vaeres.

INFOMEISEN PEPA 6

TRBR i stap blong helpem yu



Long narasaed, intanet mo evri teknoloji we i kam impoten long laef blong ol pipol, oli gat ol negativ aspekt o disadventej inkludim:

Plante inisietiv raon long wol i bin tekem ples blong maksimaesem ol benefit blong yusum intanet mo blong limitim ol disadventej blong mekem se pipol we oli yusum intanet oli protektet taem oli onlaen. Hemia tru long ol gavman polisi mo legislesen, ol filtering aplikesen, ol paswod proteksen mo tu dvelopmen blong ol spesol kontent manejmen sistem.

Long Vanuatu, sam inisietiv i stap inple be ligol frem blong kaontri long eria ia i stil stap long proses. Sapos i nogat stret ligol fremwok, responsabiliti blong stap sef taem yumi onlaen i stap long yumi wanwan blong yumi mas smat mo sef blong mekem se yumi kasem maksimum benefit blong yusum intanet.